

Wed 16th Nov 1898.

大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本英法德俄美各國
惜工本從廉採辦各官紳
紙活字及各式花邊等延
刊印書簿單件並有各國
體活字均能刊印並精工
西文大小機器均用精工刊
印字大小機器均用精工刊

第五千九百六十六號

報叻



(號七第牌門口虱巴舊在設開館本)

印工級絕倫並延有文士書
寫各種文字現由上海購到
各種書籍各項原價甚相宜
刊佈所登各項原價甚相宜
世道人心者附登其亦須無
礙於人而後始錄其有謾罵
成文以及支離費解者概不
登錄更須寫明君來札向所
自諒更須寫明君來札向所
將原稿收回也本館謹白
戊戌十月初三日

英一千八百九十八年十一月十六號 禮拜三 每張售錢五文 每月一元 每日每字一仙

延請教讀 ○啟者茲承友人託本館代延教讀先生一席其人須漳州籍且不吸食鴉片者方能
諸君有願就斯席者請至本館面商可也特此佈告
本館代啟

已亥年月份牌出售 ○啟者光緒二十五年已亥之月份牌現經印就定於即日出沽至本年所
印之月份牌係按照時憲書并參以諸家之歷細心較對無訛而且字畫玲瓏紙張潔潤繪事精細甚屬
可觀 諸君賜顧祈早 玉臨選購為盼
本館謹啟

勸辦粵漢鐵路招商分局啟 ○啟者本分局現蒙 粵漢鐵路總辦張 委在南洋創設分局開
辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各
埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有
一切詳細章程經已另刊清摺以便 諸君取閱此乃難得之遭逢無窮之美利有志者幸無辜此機緣也
特此佈告 大清光緒廿四年九月二十九日 大英一千八百九十八年十一月十二號
勸辦粵漢鐵路分局委員吳丕球謹啟

續振興商務條議

一曰設立魚局西國魚局出口為商務之大端英人獲魚歲值二千餘萬兩美國值二千七八百萬法國擲
國各值一千二百餘萬加倫達一境即值一千五百萬外有紐芬蘭島亦值四百萬金故各國俱重漁務
並訂章程十里之內不准外人網魚海口則各國公享其利彼於商務一項可謂無利不搜矣今中國宜招
商設立網魚局推廣採取惟不可擾及漁人令沿海漁民俱謀該局取得漁船之後送入局中領價再由局
中發往各省銷售況中國沿海一帶魚類頗繁而網取之法亦不遜於各國十年前英賽萬國漁會俱稱中
國漁具精潔荷使推廣網取西法烹熟裝入光鐵盒中運售出口獲利必豐也 精製作三條 一曰
創設商廠工藝為商務之基商務為工藝之用欲興商務先興工藝此大較也泰西製造工藝商廠為多商
廠設於民間身計攸關孰不經心營商苟非出奇制勝安得善價而沽所以易於起色非若中國僅有官廠
辦事者多草率因循也欲立商務之本當曉諭天下富商及出洋華民准其稟請於官糾集股份設立各項
工廠如紡紗織布造槍炮製船艦鑄鋼鐵製針鉗作鐘表及一切器具汽機推廣仿行由官格外保護輕其
稅釐如開辦之初股份不足酌籌公款以助其成作為官股迨至商本充裕然後提還行之數年利權可以
挽回商務何難日盛哉 一曰仿造洋貨西人最嗜葡萄酒今並染及於華然豈不能種葡萄而釀酒乎
西國相嗜雪茄烟今並盛行於中國然豈不能仿雪茄以製烟乎查中國膏冀葡萄色佳味美洞庭山所產
亦較洋產為優前有人試行釀酒成本只需二三角而肆市所售總在一元以外其利息之厚可知若廣種
葡萄多釀美酒售諸西國未始無裨於商務雪茄製烟之法更宜一體仿行也如魚脂可造洋燭麻泉可織
布縷製糖也可取樹皮羅荷造紙也可用破布爛絲以及化學之製肥皂電學之鍍金銀與解百洋貨者可
依法仿造仿造既多不但洋貨進口日稀而且土貨出口日旺也 一曰精織葛布中國夏布葛草織成本
國需用既繁而運出外洋為數尤眾光緒十年出口二千十石八十八斤值銀十八萬八千六百五十八兩及
十九年出口增至三千一百五十五石七十八斤值銀三十九萬零六十一兩可見銷路日增但織法猶未
盡精蓋採摘葛草以刀割其外皮以手拆其內皮令成絲線每日僅紡成一斤許是以利源未廣查印度及
美利加亦產葛草十年前印人作成機器將葛質化膠漂白以速紡織且英人多以草質紡織購諸印度日
見其多其能擴商務如此我中國宜設機器織葛局購辦印度機器採辦中國葛精於紡織則洋人購我葛
布必更數倍於前此亦生財一法也 此稿未完

諭旨恭錄 ○九月十三日奉 硃筆儒林補授詹事府詹事欽此 ○九月二十日奉 上諭欽奉
慈禧端佑康頤昭豫莊誠壽恭欽獻崇熙皇太后 懿旨提督宋慶奏病體未痊請就銘州醫理等語宋
慶老成宿望治軍有方著賞給人參數枝俾資調理該提督務當加意攝理一俟病體稍愈即馳赴山海關
督率全軍認真訓練用副朝廷垂念邊防至意欽此 ○二十日奉 上諭山東督楊士銜着向其亨補授
欽此

俄國電音 ○本坡實得力太晤士西報接初一日英京來電云俄國各報論及西釐相國在倫敦兀河大會堂延中所論之語大有不滿之意并云歐洲各國務宜留意以防英國之謀云云

美班電報 ○本坡實得力太晤士西報接初一日英京來電云班國現在盡力抗美請將飛獵邊羣島歸入美國之事據班國各報咸論稱此事惟望德俄法起而干預俾美國不能取此地方云云來電又言美廷已諭知與班議約諸臣言飛獵邊事如何無庸再與班人共議不過止問班國該處各海島之班兵若何退法而已美之舉動抑何強霸乃爾耶

美國電音 ○本坡實得力太晤士西報接初一日英京來電云前日紐約公宴買夏將軍之際與宴之人異口同聲咸謂美英兩國務須訂立連橫之約方為妥洽云云

德皇遊電 ○本坡實得力太晤士西報接初一日英京來電云德皇此次回國當順道至模打及班國一行云云德皇此行係因順道遊遊抑或另有要務則非外人所能知悉也

西報姑譯 ○前報總署允准英爵臣峇里士弗所請由英將教練華兵二千名一事本報登錄之下因疑此項兵丁乃英國所募之華兵因其人數相同故也乃昨閱本坡西報則謂此兵係屬華軍練成之時將台駐紮揚子江一帶今中國政府已電致兩江兩湖督署着其各撥兵軍千人以候教練矣西報所言如此譯錄之下不禁莫釋疑團夫中國兵軍之由西弁教練者已多莫勝言何以此次僅以二千兵軍由英弁教練則竟再三言之如此鄭重是誠有令人難解之處且前函所言乃曰中國政府允英爵臣所請若果此係華兵延英將為之教練則當由中國請於英不應為英人向中國陳請而由中國允之也此中疑竇尚有甚多惟西報既有是言爰姑譯之以覘厥後可耳

一乘至公 ○邇來國家議立新律禁載日本銀元入口而檳城一地於是律甫定之際即已緝獲載運銀元進口者多人按照新章將銀元充公外更示重罰茲聞本坡國家之意以為此律初定之際諸人由外處來者未及知之且有新律頒行之時其銀已在途中越日即已抵埠因是之故遂獲重咎心何以甘故擬將嶼地前日所獲充公之銀及其罰項一概發回原人收領是亦可見國家辦事一乘至公矣

新律緩行 ○前報檳城諸商因國家所定船務新章以為有礙諸船生涯因而聚議一事茲悉國家已將此律暫緩施行矣

戰務核結 ○美班之戰美國所耗軍餉等項前已錄登其概茲始通盤查確計是役也美國所耗軍餉共有一百四十一兆五十萬美國銀元而陸軍之陣亡者共二百六十四人傷者一千四百五十人患病而斃者一千五百人合而計之共三千二百一十四人海軍之陣亡者十五人傷者三十八人惟海軍攻克各地所獲之項照例分給者則約有一百萬之數云

招承物料 ○叻嶼甲各衙署所用各物現由輔政司出示招人入票承供其示已登本報覽之便悉

俄患日深 ○津門來信云俄人近派兵一萬名自旅順拔隊前進外人向未知其直黎之所中國現派兵嚴防山海關一帶大約係阻止俄兵此說雖確否不定但俄國如此舉動實為可駭故中外商人皆不無疑慮也

如出一口 ○前報所錄牛庄無恙一則係由上海來信已知前者所傳牛庄為俄人所據係屬虛言茲復有渣甸行之樂生輪船於初六日開行來港至十三日抵埠本館訪事曾於昨日至該輪向司事人詢問牛庄近狀據稱平安無恙中西軍士之駐於該處者皆安靜無尤至於河口炮台自中日失和已屬廢置斜磚斷石朽爛不堪俄欲據之當費幾許工程始能復固俄人急其所急豈爭此緩着哉且距牛庄十三四里地方現正開辦鐵路華人之就工者極多復建創屋宇以為停頓之所其鐵路機器多自日本購來各輪往還照常行駛使為俄所佔則必律例一新矣其言如此訪事歸報恰與上海之信相同故詳序之錄香港中外新報

不違啓處 ○粵垣來信云新授閩浙總督許制軍自接電 諭後即向北謝 恩復電奏請假兩月旋接覆 諭僅賜假十天即速登程回京 陛見乃赴新任故許制軍不敢怠慢即準備行裝學督譚官保更為用情飭撥建勇數十名為許制軍隨與護衛故出則道路煇赫入則守衛森嚴似此榮華視前此之寂寞歸來真有天淵之隔蘇李子云人生世上勢位富厚而可忽乎哉觀此益信又聞許制軍抵省之夜於家人外尚有潘太史着家人數名恭候蓋敦誠誼也前報忽畧今補錄之亦覺差強人意嗟夫許公罷職固猶是閑閣大啟警笏在床而炎涼之態已覺如是而張向書康工部之親屬又何以為情哉不禁代為長歎

博羅教案詳述 ○博羅教案前已錄登報續茲接粵信云博羅縣屬向有洋人設堂傳教民教相安歷久無異近年有人在其附近設立善堂宣講 聖諭然各行其善始猶相容繼則同時開堂宣講互相辨論勢等冰炭上月某日兩堂講士始而爭辯是非繼則互詆疵瑕無賴之徒從而煽動人心竟將教堂毀拆教士辛某亦被毆傷事聞地方官立出彈壓眾始解散將為首滋事之朱貴拘押獄中聽候訊辦既而附近鄉民楊江朱等族糾集多人擁塞縣衙勒令邑宰將朱貴省釋聲稱如不恤眾言則借楚人一炬以洩此忿邑尊張明府理諭再三眾猶滋鬧不已營官及典史某君聞之齊帶兵差而至眾始散去惟民情依然洶湧事機似甚危急明府遂稟請省憲派兵查辦譚官保得稟後以明府平日未能保衛教堂致釀重案實屬辦理不善札飭岑方伯將明府撤任牌委補用縣葛大令肇蘭往為代庖並商請陸路提督張蘭階軍門就近

派員管帶勇馳往協同辦理雖民情或易安頓然交涉恐未易安議也

四郊多壘 ○粵友函報云近日清遠英德兩縣盜賊蠢起現在江口墟等處已聚匪至七百餘人以白衣為記約期舉事聞該墟眾已到清遠縣城請兵防堵至該匪肇亂之由聞係因前月往劫龍塘墟被鄉人鎗斃廿餘名匪等志在報復故胆將各鄉蔗園焚燒淨盡至英德縣之合光墟則於前月廿九日被匪百餘人肆行焚掠各舖客齊心協力又得附近營汛兵勇雲集與匪巷戰逾時轟斃賊黨不少匪等始知難而退隨即稟報英德縣調兵勇百餘名相機剿捕不料本月初五日該匪又糾黨三百餘人再到墟中滋擾聲言報復不共戴天該墟隨即閉門罷市現已數天尚未開復蓋緣附近各墟俱有匪黨埋伏或二三百或三四百不等皆明目張胆互相為援該墟地方文武又以兵力單弱不能盡力剿洗故匪等得以橫行無忌也

西匪原始 ○廣西土匪倡亂迭經官軍剿辦業已次第蕩平茲有自梧州至廣東者告諸人曰容縣境距城二三十里之甘家莊有民人甘木者年逾花甲富甲一方平日聚黨橫行欺凌良懦其所積不義財大都由巧取豪奪而來是處紳士聞而患之聯名赴省稟控大憲即飭人嚴密拿獲訊實後本擬明正典刑嗣因憫念年老貸其一死定以監禁終身上年輾轉營謀得脫縲絏及回家深恨各紳士之害己也時時以報復為心暗中與會匪頭目李立亭訂莫逆交助以資財俾置軍械教之乘機竊發務得各紳士而甘心焉適今春米價翔貴匪黨遂以禁米出口為名見有運米船經過即肆行擄掠行者莫足相牽控諸縣署縣宰飭差擒獲數匪解回暫押旋即升座訊問匪首李立亭聞之大怒一聲號召糾集羽黨千餘人乘夜深夜人靜時馳入縣署將獄中各犯盡行釋去銀物被劫一空縣宰微服逸去各紳亦皆聞風遠颺得免于難甘木聞李立亭之業已起事也即集鄉團千數百人號稱義勇名助官軍陰為犄角縣宰不知其計帶印投之李匪據城二日恐勢孤難守聞北流縣亦因民變戕害縣官遂率其黨往助之及甘木帶團丁入城早已幕上有烏乃縱令團丁四出搜掠將城內各舖貨物悉數取回約值銀十餘萬兩聲言皆得自賊中者如欲將貨携回須自備銀取贖又向典鋪錢莊勒派捐款以作兵費縣宰身入牢籠不能自主致被其要挾多端始獲釋出及由省調到安勇數百名駐紮塔刺甘匪始稍稍斂迹此甘匪陽奉陰違之實在情形也既而前逃之紳士奔至省城據情密稟撫憲黃中丞中丞即委錢大令相機辦理大令不動聲色至容縣即面晤甘匪盛稱克復之功深相結納并設筵邀請謙飲歷數日歡洽逾恒甘大喜以為得計時大埠江有別股匪徒肆擾附近之江口墟及貴縣等處亦頗岌岌可危大令因商之于甘請率團丁協剿甘許之令團丁前驅而已與大令殿其後是夜大令邀甘赴讌而止其衛士十餘名於外甘不虞有他貿然直入伏發揮刃斃之並盡殺其衛士無一漏網其前行之團丁亦被安勇迎剿四散奔逃大埠江之匪則經馬統領率勇痛擊安勇助之上下夾攻不數日已水消瓦解餘黨知不得逞隱入內山不敢出擾比黃中丞乘節至梧飭探甘匪巢穴知尚有匪黨多人深藏不出因擬痛加剿洗務使不留餘孽亦除惡務盡之道也然聞刻下大埠江鬱林北流之匪雖勢蹙時窮暫為退避而兵勇亦不敢深入意者肅清之期其尚需時日乎

馬賊縱橫 ○有王四喇嘛者馬賊之巨魁也由熱河之三座塔竄入奉界往來錦州等處業已三年餘黨甚夥官兵莫之敢擾近又在牛庄一帶距城七八里望台地方該處有奉軍百名駐紮見賊即與之戰兵敗賊勝復至海城縣之西境營口東北相距五六十里之感王莽等處會合土匪黃四秋子橫行村落劫人勒贖無惡不為該處縉紳慮為蹂躪稟請宋官保派隊領攝官保允其所請立飭營務處派兵三百名前往剿捕賊眾聞毅軍將至始懼而竄往他處云

日廷抗議 ○西字報稱高麗民報前曾許美國商務公司獨享漢城至濟物浦鐵路利權而近已歸日本某行承辦日本新報有謂漢城至釜山鐵路統不能入美人之手即或謠傳歸某國承辦者均不足憑因一千八百九十四年高麗政府曾與日本定有條約許日人得享漢城至濟物浦及漢城至釜山等處鐵路利權載有明文何得更變縱高麗官員中有不願意者亦無可如何也

臬堂初紀 ○初二日為臬署開堂決獄之期是日所訊之案計有四起而判定者止有二宗茲特照登如左
第三起粵人鍾亞金僕傷伊妻袁氏及其腹內嬰兒之案訊定後以被告之過係出無心情甚可憐因判將其開釋
第五起閩人林福竊案被告業經認罪命展至本日再行科斷
第六起穆拉油人亞里竊案判監禁一年
第七起亞納人西亞里騙案則尚未經畢訊也

緝獲圍姓 ○初一日緝賭總差携票至新巴虱溪嶼第一百廿一號門牌屋內查搜圍姓因被搜獲仁和廠之圍姓票百餘封約而計之不下千餘條之多爰將潮人林金基邱振榮二人逮案初二日府尊提訊一次命展至初九日覆訊兩被告各責保五百元按圍姓一項叻地最屬盛行自前護政吳君一再認真訪拿若輩即已匿跡銷聲不復如前之盛詎近來又復漸盛大有死灰復燃之勢是亦地方之一患也

屍案續登 ○昨報振成山查獲屍身一事茲悉此屍已經相驗係屬勒斃者故有可疑此屍身乃係遭人陷害特密行查訪不悉將來果能訪獲端倪否也

巨匪被擒 ○閩人許石頭之妻江氏於初一晚八點餘鐘時赴梧槽差館報稱住居小坡王府後街大馬路合興號內向以販賣金疋首飾為生是晚向各故衣店取有磁戒指二枚及金盆鎖帶鈕扣等共值銀一千五百一十八元之多詎回至離家僅及數武之遙忽被華人四

名欄路截槍一匪執氏咽喉并以椒末抹氏之眼一匪將氏雙手反執餘二匪即向氏身搜出所携之首飾而去云云似此巨贓不悉將來果能破案否也

府案節登

○初二日巡理府提訊竊案一起係閩人曾連德為第二百三十四號暗牌華差所獲據稱曾於去月廿二日在麻六甲地方盜竊顏君承成之金表及鍊共值五百五十元逃過來坡今始在章夷將其緝獲等語府尊訊畢命展至初八日移交兩堂會訊○工部局新建車務局工役閩人黃水章控獲人林亞朝於案據稱林於去月三十晚擡破車局之門入而行竊適被破破破破捕執之等語訊畢後命展至初八日再訊○林氏謝氏皆詔安婦人初一日不知何故在望古魯街打架被差所獲是日訊定後判各罰銀一元○是日為傳訊工部局控案之期計本屆所控之案共四十六起舊存之案四十七起訊定後仍如前論焉

京報選錄

○頭品頂戴湖廣總督管湖北巡撫事臣張之洞跪 奏為遵 旨於漢口試辦商務局酌擬辦法大端恭摺仰祈 聖鑒事竊照承准軍機大臣字寄光緒廿四年六月初七日奉 上諭振興商務為目前切要之圖應經諭令各省認真整頓而辦理尚無頭緒泰西各國首重商學是以商務勃興稱雄海外中國地大物博百貨浩穰果能就地取才講求製造自可以暗塞漏卮不致利歸外溢若劉坤一張之洞揀派通達商務明白正大之員紳試辦商務局事宜先就沿海沿江如上海漢口一帶查明各該省所出物產設廠興工果使製造精良自能銷路暢旺日起有功應如何設立商學商報商會各端暨某省所出之物產某貨所宜之製造並著飭令切實講求務使利源日闢不令貨棄於地以期逐漸推廣致富強事屬創辦總以得人為先該督等慎選有人即著將擬定辦法迅速奏聞毋稍延緩將此諭令知之欽此仰見朝廷通商惠工阜財利民之至意欽佩莫銘查商務乃今日要政上海為沿海總匯漢口為上游要衝鐵路樞紐自應分設商局除上海一局由兩江督臣劉坤一委員開辦外茲於漢口設立商務局以鼓舞聯絡上游川陝河南雲貴湘粵等處工商為要義其商學商報商會及講求工廠製作商貨銷路等事江楚兩局各自籌辦遇有應行聯絡通貫或應互相協助之處隨時知照會商辦理雖分為兩局仍聯為一氣應由臣與兩江督臣劉坤一商籌酌辦所有應辦之事其要有八條謹列於後 一曰啟發商報商會商學皆係啟發之事商報係探訪沿江沿海各口岸暨鄰省本省土地所產及人工所造各貨市價銷路並詳各洋報所載商務兼譯西書之有關商務者分期出報商會係由本局商董糾集各省各帮大商入局定立商會或面商或通函或登報互相討論考校即以聯絡協助力厚氣旺商學係考製貨理法銷貨道路綜核新式護商律例以及中外盈絀銀價漲落各國嗜好各業衰旺各情形自應設立學堂延師教習方能增長知術惟中國設立商學華人能任教習者斷無其人若延請洋教習經費太鉅且設堂經費亦屬不貲斷難舉辦惟有赴外洋學習但西洋過遠東洋較便商會中人有願往者自備資斧或由商會籌集公款湊齊人數若干由該局稟臣發給護照前往並咨明總理衙門暨出使大臣查照至設局之始不能不酌籌經費以資刊報設會等事之需擬於整頓牙帖項下籌撥以後商務漸興果有成效方可與眾商酌議籌集經費之法 二曰倡導製造土貨需用機器華商不知成本若干有無利息未敢試辦現擬除已設之紗布絲麻各局外其餘土貨之需用機器者若皮骨角紙張竹器漆器洋蠟之類均可次第籌辦官籌本若干並借商款若干先設數廠令其觀感見有成效自仿行或代為仿求製造之法及需用何項機器以為之倡 三曰合力商務必集公司方能大舉一省商力不足合他省以益之查上游四川雲貴等省出產土貨甚多而地勢較偏購機器運至川江以上實屬不易銷路亦窄若造成後再運至下游行銷徒多往返耗費至於陝甘河南兩廣湖南亦不如漢口地勢適中四達現擬於武漢一帶衝要地方購買地段以備入商會者在此地段內購地造屋或設行棧或設機廠 四曰塞漏現在洋商已准在內地設廠製造土貨無從禁阻愈開愈多華商更難覓生計即使日後續開固已著著落後莫若議與洋商合辦既免占我全利并可學其工藝此亦補救海危之一法 五曰祛習中國商賈積習陋見小亦思仿新式辦運新貨而偷減工料貨質全非以假亂真以劣摻優種種欺偽以致外人割價退盤甚至無人過問其貨真價實之商反為所累其招集股分意存誑騙事未辦成貨已用罄遂致人人畏避公司雖集商務莫與實緣於此必須明定賞罰以示勸懲六曰保護近日各省倒賬之案層見疊出漢口沙市已屬不少商局既設未倒之先官為詰察防護既倒之後官為嚴追懲辦凡會經倒賬之商照西例飭令報窮列諸商報俾遠近咸知以後承遠不准更名充商貿易 七曰體恤嚴禁稅關釐卡留難需索新製土貨可以抵制洋貨者奏明減輕或暫免稅釐定明專利年限不准他商請造 八曰獎勵新創機廠暨捐資興辦商報商會商學及在外洋學成上藝回華可資實用者奏明請獎 以上八端概之不外於抵制洋貨仿洋式借助洋師之義從此著手方為有關內地南務大端由粗入精由近及遠即將前經奏設之勸工勸商局歸併此局之內其內事體繁博現在先立大槓章程此後隨時籌畫變通務期以漸推廣查有奏調湖北差委廣東候補道王秉恩端廉切實才力精強商務核尤所擅長此次另片奏調之江蘇候補道程儀洛廉正核實不辭勞怨擬委令該兩員會同總理其事并擬遴選殷實誠信通曉時勢之董商數人為總董惟漢口之商外省人多本省人少但取其熟悉商情勢難拘於本處紳士所有選員設局大槓情形已經於七月十八日電奏奉 旨允准在案現在督飭該道等將商務應辦各學事宜妥擬詳細章程認真次第舉辦務期聯絡上游各省漸次擴充除以後辦法隨時奏陳理合恭摺覆陳伏乞 皇太后 皇上聖鑒謹奏奉 硃批另有旨欽此

憲 大英欽命新嘉坡輔政使司 為招供物料事照得本坡及檳榔嶼麻六甲三府各衙署所用之物茲欲招人入票承充為此示仰商民人等知悉汝等有欲承供各物者可於西本月廿八號即華十月十五日以前入票其在本坡則投交本署在嶼甲兩地則交到參政司署以憑選擇而此票之格式紙可到本署取討以便照填其在嶼甲則向該處參政司署取討至於所用各物可向本坡國家於西本月十八號所出之憲報觀之便能知悉各宜踴躍慎勿觀望特示 大英一千八百九十八年十一月十六號 示

失印聲明 ○啟者茲做號留美火船本月初一日到叻有遺失新留美輪船船口印乙編嗣後此印作為廢物今做號再刻留美輪船船口一印惟少一新字為憑以免後日魚目之混謹此佈知 光緒二十四年十月初三日 豐源號謹啟

退股告白 ○啟者省港泗廣安號全盆生意朱祝宸名下應沾之股份一概頂與黎伯堂承受其本息銀兩即日清算交易清楚所有廣安號欠各號往來貨賬揭借等項與日後及生意盈虧均為廣安號黎伯堂自理與弟等無涉特此佈告 朱祝宸謹啟

承頂聲明 ○啟者省港泗廣安號全盆生意朱祝宸名下應沾之股份一概頂與弟等承受其本息銀兩即日清算交易清楚所有廣安號欠各號往來貨賬揭借等項與及生意盈虧概為廣安號弟等自理均與朱祝宸無涉特此佈告 黎伯堂謹啟

承頂聲明 ○啟者星嘉坡漆木街廣泰號全盆生意黎伯堂黎伯齊二人名下應沾之股份一概頂與弟等承受其本息銀兩即日清算交易清楚所有廣泰號往來貨賬揭借等項與及日後生意盈虧均為廣泰號朱祝宸自理與弟等二人無涉特此佈告 朱祝宸謹啟

退股聲明 ○啟者星嘉坡漆木街廣泰號全盆生意黎伯堂黎伯齊二人名下應沾之股份一概頂與朱祝宸承受其本息銀兩即日清算交易清楚所有廣泰號往來貨賬揭借等項與及日後生意盈虧均為廣泰號朱祝宸自理與弟等二人無涉特此佈告 黎伯堂黎伯齊謹啟

輪船啟行 ○茲有日本正期四枝桅火船一隻名曰因那巴魯定于本月初八日到叻準初九日開輪前往香港 日本等處四天可以抵香 諸君有欲搭客付貨者請至衣箱街做號相商價甚相宜謹此佈告 衣箱街源順公司謹啟

輪船啟行 ○茲有毛娘新火船一隻名曰朕界定于本月初四日到叻準初五日開輪前往香港 廈門 上海等處睡位寬闊火食茶水充足 諸君有欲付航者請至衣箱街做號相商便得特此佈聞 衣箱街源順公司謹啟

頂受聲明 ○啟者新嘉坡烏丹律門牌第一百五拾八號新泉源號酒米什貨生理原係林玉珍勤昆記二人開創向無所異茲因勤昆記志圖別業願將自己所得股份頂與林玉珍承受同請公親吳清爾老爺駕臨秉公核算明白所有應得本利即日當堂如數交訖嗣後生理盈虧與退股人無涉至於勤昆記有與人來往賬目等項均限一禮拜內前來理會屆期不來是為自誤與承頂人無干特此聲明免致後論 此佈 光緒廿四年十月初三日 林玉珍謹啟

荷蘭國駐叻總領事官告示 ○大荷蘭國駐紮新嘉坡總領事官尼域 為招承餉碼事照得寥內一千八百九十九年之烟酒餉碼不日即欲再行招商入票承辦并非在於公眾之前投充特此預行佈告 西一千八百九十八年十一月十四號 示

大荷蘭總領事示 ○大荷蘭國駐叻總領事府兩域 為通知事照得西本年爪亞國家有羔至九萬九千二百二十八担欲為拍賣如欲知其買賣之期及一切詳細情形者可至本總領事署內詢問便得特此諭知 西一千八百九十八年八月六號 示

藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒廿四年七月初三日 叻報館代啟

報館面詢便得 光緒廿四年七月初三日

叻報館代啟

示

示

示

堪輿妙術 ○即用訓導林明良茂才閩之永春人也術擅堪輿爲人忠厚樸誠世以地理著名茂才既得祖傳兼承異授不惟尋龍點穴獨具隻眼裁法幹旋別有匠心即斷土色論吉凶詳燥濕歪斜亦無不如响斯應六月間爲陳合春裁擇佳壤延請地師不少獨茂才所斷毫釐不差足信學有淵源名不虛著即楊會再生亦不過是現寓做齋內凡有志求子眠佳穴者請嘗試之方知予言不謬也特此佈告
光緒二十四年九月拾三日
集文齋主人林米達謹啓

快捷火船行期

啟者茲有英國紗隆公司新快輪一隻名司馬而勝堪裝五千墩船上一號二號峇釐俱有客位甚是寬闊客落二笨四天津到香港夜設電燈火食公司茶水充足准期於本月初二日到叻初四日即往香港上海倘諸君如欲拆單者請至馬車街本號相酌是荷此佈
大清光緒廿四年十月初一日
代理人鴻盛號謹啟

棧間出稅

茲做號有新棧二間座落豐榮火確邊上落水極便長一百十二脚氣闊三十六脚氣如諸商翁要租者祈移玉到做號內相商此佈
光緒二十四年九月十八日
豐源號謹啟

敬告求書

張君鶴棲鄉江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬獻數言於報端以俾同好者知方換瓶焉可
光緒二十四年九月初六日
友蘭居士陳少亭佈

啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已更有正人心所宜亟爲攷究者 諸君賜顧請移玉至本館面商可也
大英一千八百九十八年七月一號
本館謹啟

精製眼鏡廣告

眼科之理甚微筆難闡述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再在土庫花園邊末打里路第三號門牌內創設查考眼目之坊一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝併此佈告
西歷一千八百九十八年十一月十號 刺沙勝士謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醞釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又車中跌打藥酒如跌打刀傷積瘀暴腫服之併可舒筋絡而止痛痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致悞惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日 時雨軒主人謹啓

豐源號

本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
各輪船在叻往麻六甲吉隆坡實蘭午 等禮拜五日三點鐘開行特此佈

在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由吉隆坡回芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啓

正金鐘標萬蘭池酒發客

地 段 出 投


啟者茲承地稅司命定於西曆
 民末月廿三號即華十月初十
 日禮拜三下午二點半鐘在本
 館拍賣地段五起坐落直落
 亞逸羅民申路附近水龍局之
 處即舊巴剎對面又地段三區
 坐落巴古魯街又一段在華打
 汝實得力其地建屋一間係第
 八十號門牌所有拍賣章程概
 照英字所列而行 諸君有合
 意購買者祈屆期 玉臨投買
 特此佈聞
 大清光緒廿四年九月十九日
 大英一千八百九十八年十一
 月二號 吧越館主謹啟



啟者本公司所督辦正金花鐘標萬蘭池酒久已馳名叻地諸華商
 均喜用之現已議定與本坡酒公司包辦以應零沽凡 華籍諸君
 有欲零沽者請至酒公司沽買便得如買成起以便配往外處者仍
 可至本行沽買至此酒
 製造之法
 精妙異常
 酒味甚清
 以之蒸餾
 者皆為上
 等之料保
 無偽充之
 弊此酒若
 在本坡沽
 飲甚屬合
 宜且價亦
 甚廉諸
 翁沽用須
 為留心辨
 明以免魚
 珠之混現
 在市上假冒者甚多以
 不殺呼容即前加珍洋行謹啟

所上有各票如無本行不殺呼容華字者即為假貨幸勿為之誤買
 本行有厚望焉 大英一千八百九十八年正月十三號
 不殺呼容即前加珍洋行謹啟

鐵 廚 出 售



啟者本行所售之鐵廚在本坡馳名
 已久素蒙 各君購用莫不盛稱其
 妙計此廚之大小共有五種而價甚
 相宜此鐵廚乃歐洲著名工師所製
 極為美善本坡所有西人齊習人以
 及作椒蜜生理諸華商多向本行沽
 買以為貯銀之用因本行所沽者均
 用頂上物料製造而成不惟能壯觀
 瞻並且異常堅固無論火燒盜劫均
 可無虞貨美價廉莫此為甚倘 各
 君有欲購此廚以收藏重寶者可至
 本行選閱是幸此佈
 大英一千八百九十八年正月十三號
 不殺呼容公司即前加珍洋行啟

嘉新 坡嘉 祖辦 東膠 係前
 不殺呼容公司
 頂上美酒發售
 認明印標
 紅首冠仔標萬蘭池酒出售

大英一千八百九十七年二月十二號

不殺呼容即前加珍洋行謹啟





Bisquit Dubouché & Co.
 COGNAC

啟者本公司所製之紅首冠仔標萬蘭池酒馳名已久乃在歐洲
 名家所製自一千八百一十九年相傳至今已閱八十年之久而
 其酒有收存數十年
 方肯出而沽賣蓋者
 其熱氣概已全消所
 以 諸君沽飲者均
 深譽譽現在歐洲一
 帶各國之人無不喜
 飲此酒因其氣味清
 香遠勝於他酒故也
 是以本行特辦此酒
 來叻發售自此酒到
 叻而後凡沽飲者無
 不盛稱其美且此酒
 與本坡天氣甚屬合
 宜諸翁賜顧祈細心
 辨認紅頭庄及以上
 所列各票頭并有來
 士古乙拿模只公司
 等西字為憑庶免為
 魚珠之混是所切盼

蜜酒出賣

烏密酒發賣


馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用

所喜購而本行每年所沽亦殊不鮮茲特為之錄佈倘諸君有惠顧者祈即玉臨選購為盼
大英一千八百九十八年正月一號
大清光緒二十三年十二月十八日


有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



明嗎也洋行謹啟

三品出售

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨爾後諸君購買本行白頭三品酒者請細認本號招牌之內有小紙包頭註明華字新嘉坡明嗎也者始真若無此字樣即屬偽冒請為細認特此佈告
大英一千八百九十八年正月一號
明嗎也洋行謹啟




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈
英一千八百九十八年正月一號
光緒廿三年十二月十八日
明嗎也洋行謹啟

啟者本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木楔內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往加勝巴三寶瓏酒里末望加錫檳榔嶼日裡等處其他埠均能運往並此佈聞
大英一千八百九十八年正月一號
光緒廿三年十二月十八日



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸
英一千八百九十八年正月一號
大清光緒廿三年十二月十八日
明嗎也洋行謹啟



明嗎也洋行謹啟